



Broj:04-GV-02-539/18

Datum: 27.04.2018. godine

ZAPISNIK
O RADU 14. SJEDNICE KOMISIJE ZA SPOMENIKE
GRADSKOG VIJEĆA
održane 27.04.2018. godine

Prisutni:

1. Enes Husejnović, predsjedavajući Komisije
2. Sead Srna, zamjenik Predsjedavajućeg
3. Reuf Hafizović, član
4. Jasmin Smječanin, član
5. Nedim Dizdarević, član
6. Pavle Krstić, član
7. Lana Velić, članica

Sjednici prisustvovala iz Gradske službe za Gradsko vijeće:

- Mirjana Đanović Stanić, šef Odsjeka za stručne poslove u Gradskoj službi za Gradsko vijeće.

Sjednici prisustvovala iz Gradske službe za urbano planiranje, investicijske, stambene i komunalne poslove:

- Merima Arifhodžić, stručni savjetnik za javne nabavke
- Lejla Šiljević, Odsjek za urbano planiranje, investicijske i stambene poslove

Predsjedavajući je otvorio 14. sjednicu Komisije za spomenike Gradskog vijeća, pozdravio prisutne i utvrdio kvorum za punovažan rad i odlučivanje. Sjednica je započela razmatranjem i usvajanjem Zapisnika o radu 13. sjednice Komisije za spomenike, održane 11.04.2018. godine, većinom glasova, uz jedan „suzdržan“ glas članice koja nije prisustvovala prošloj sjednici Komisije.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Razmatranje Inicijative Filozofskog fakulteta u Sarajevu za izgradnju spomen ploče – sjećanje na studentice Filozofskog fakulteta Selmu Agić i Editu Malkoč
2. Tekuća pitanja

TAČKA 1.

Razmatranje Inicijative Filozofskog fakulteta u Sarajevu za izgradnju spomen ploče – sjećanje na studentice Filozofskog fakulteta Selmu Agić i Editu Malkoč

Poslije kratkih uvodnih napomena, te rasprave i sažetka Predsjedavajućeg, jednoglasno su usvojeni sljedeći **zaključci**:

1. Komisija za spomenike konstatira da podizanje spomenika iz razmatrane Inicijative Filozofskog fakulteta u Sarajevu za izgradnju spomen ploče – sjećanje na studentice Filozofskog fakulteta Selmu Agić i Editu Malkoč, nije podizanje spomenika od značaja za Grad Sarajevo u skladu sa kriterijima iz člana 2. Odluke o spomenicima od značaja za Grad Sarajevo („Službene novine Kantona Sarajevo“, broj 12/11 i 21/16).
2. Komisija za spomenike daje podršku Inicijativi i upućuje inicijatora da spomenik realizira u saradnji s nadležnim organima u Općini Centar Sarajevo.



3. Komisija za spomenike ukazuje na činjenicu da u Elaboratu o spomenicima od značaja za Grad Sarajevo na predloženoj lokaciji nije predviđeno podizanje spomenika, te je potrebno lokaciju za podizanje spomenika iz razmatrane inicijative, usaglasiti sa Zavodom za planiranje razvoja Kantona Sarajevo.

TAČKA 2.

Tekuća pitanja

- a. Poslije rasprave i sažetka Predsjedavajućeg, jednoglasno su usvojeni sljedeći **zaključci**:
 1. Komisija za spomenike podsjeća Gradonačelnika na otpočinjanje procedure izrade izmjena i dopuna, odnosno donošenja novog gradskog propisa o spomenicima od značaja za Grad Sarajevo koje će uslijediti u maju mjesecu, u skladu s Programom rada Gradskog vijeća Grada Sarajeva za 2018. godinu gdje su navedena rješenja koja je potrebno preispitati kako slijedi:

„Prijedlozi za izmjene, odnosno dopune Odluke o spomenicima od značaja za Grad Sarajevo, u smislu preispitivanja odredbi kojima se utvrđuje značaj spomenika za Grad Sarajevo, procedura odlučivanja o podizanju spomenika, sredstva za podizanje spomenika kada je investitor Grad Sarajevo i sredstva za održavanja spomenika za koje se odluči da su od interesa za Grad Sarajevo, te procedure i nadležnost u provođenju ovog gradskog propisa.“
 2. Komisija za spomenike predlaže da se među novim rješenjima, utvrdi i obaveza realizacije odluke Gradskog vijeća o podizanju konkretnog spomenika od značaja za Grad Sarajevo, podnošenjem zahtjeva za izdavanje urbanističke saglasnosti nadležnom općinskom organu u roku od mjesec dana od dana stupanja na snagu odluke Gradskog vijeća o proglašenju spomenika od značaja za Grad Sarajevo.
- b. Poslije rasprave i sažetka Predsjedavajućeg, jednoglasno je usvojen sljedeći **zaključak**:

Komisija za spomenike traži od nadležne službe Gradske uprave, da za sljedeću sjednicu Komisije pripremi informaciju o toku realizacije podnesenih inicijativa za podizanje spomenika od značaja za Grad Sarajevo u tekućem i prethodnom mandatu Gradskog vijeća.

ZAPISNIČAR

Mirjana Danović Stanić

PREDSJEDAVALJUĆI KOMISIJE

Enes Husejnović, s.r.